

Na osnovu člana 31. Zakona o Vladi SBK ("Sl. novine SBK5/03-prečišćeni tekst i 14/03), a u skladu sa Uredbom Vlade Federacije Bosne i Hercegovine o načinu i kriterijima za pripremu, izradu i praćenje realizacije programa javnih investicija ("Sl. novine FBiH" 106/14), po prijedlogu Kantonalne direkcije za puteve Srednjobosanskog kantona, Vlada Srednjobosanskog Kantona, na 83. sjednici od 5. 4. 2018.g., donijela:

**ODLUKU O UTVRĐIVANJU LISTE PROJEKATA
IZGRADNJE, REKONSTRUKCIJE I SANACIJE REGIONALNIH CESTA NA
PODRUČJU SBK KOJI SE UVRŠTAVAJU U PROGRAM JAVNIH INVESTICIJA SBK
ZA PERIOD 2019.- 2021.**

Član 1.

Za potrebe izgradnje, rekonstrukcije i sanacije regionalnih cesta na području SBK, usvaja se lista projekata koji će se uvrstiti u Program javnih investicija SBK za period 2018. – 2021.

Član 2.

A) Lista projekata koji se kandiduju u Program javnih investicija SBK planirana za finansiranje iz domaćih kreditnih sredstava za period 2018. – 2021. je:

	Naziv projekta	Vrijedn. investicije (KM)	Način finansiranja	Realizacija projekta
1	Izgradnja region. puta R439, Novi Travnik – Gornji Vakuf/Uskoplje dionica P Luka – Bistrica L= 12 km	6.000.000	Kredit iz domaćih izvora	2018. – 2019.
2	Izgradnja region. puta R413a, Dolac – Han Bila – Ovnak, dionica Gostunj – Mosor – Guča Gora - Han Bila, L= 7 km	5.000.000		2018. – 2019.
3	Rekonstrukcija R443: Kiseljak – Kreševo-Tarčin, dionica st. km 2+500 – km 6+000, L=3,5 km.	2.500.000		2018. – 2019.
4	Sanacija asfaltnog sloja na R437: Fojnica – Dusina, dionica Bakovići - Gojevići, L=3 km	700.000		2018. – 2019.
5	Sanacija asfaltnog sloja na R438: Gromiljak – Fojnica, L=7 km.	1.000.000		2018. – 2019.
6	Rekonstrukcija R413b: Gostilj – Dobretići – Jajce, dionica Veliki Do – Kuprešani, L=0,6 km+1,2 km =1,8 km	1.400.000		2018. – 2019.
7	Rekonstrukcija R653: Kaćuni – Lugovi – Moštre, dionica Lugovi L=500 m	500.000		2018. – 2019.
8	Rekonstrukcija R654: Kaćuni – Fojnica, dionica st. km 1+700 do km 3+400, L=1,5 km	900.000		2018. – 2019.
	Ukupno planirano za Program javnih investicija SBK iz kreditnih sredstava :	18.000.000	Kredit iz domaćih izvora	

B) Lista projekata koji se kandiduju u Program javnih investicija SBK i Federacije BiH planirana za finansiranje iz vanjskih kreditnih sredstava za period 2018. – 2021. je:

	Opis investicije	Vrijedn. investicije (KM)	Način finansiranja	Realizacija projekta
1	Izgradnja region. puta R413a, Dolac – Han Bila – Ovnak, dionica Han Bila - Ovnak, L= 4 km	2.500.000	Kreditna sredstva iz inostranih izvora (EBRD,...)	2018. – 2020
2	Izgradnja R413b: Gostilj – Dobretići – Jajce, dionica Gostilj – Dobretići, L=11 km	5.000.000		2018. – 2020
3	Rekonstrukcija R437: Fojnica – Dusina, dionica Gojevići – Dusina, L=4km,	2.500.000		2018. – 2020
4	Rekonstrukcija R438: dionica Fojnica – Prokos, L=4 km	2.400.000		2018. – 2020
5	Rekonstrukcija R440: dionica Han Bila - Mehurić, L=4 km.	2.300.000		2018. – 2020
6	Rekonstrukcija R443: Kiseljak – Kreševo-Tarčin, dionica st. km 9+000 – km 11+500, L=2,5 km.	1.500.000		2018. – 2020
	Ukupno planirano za Program javnih investicija SBK preko kreditnih sredstava Federacije BiH :	16.000.000	Kredit iz vanjskih izvora	

C) Lista projekata koji se kandiduju u Program javnih investicija SBK planirana za finansiranje iz vlastitih sredstava Kantonalne direkcije za puteve SBK za period 2018. – 2021. je:

	Naziv projekta	Vrijedn. investicije (KM)	Način finansiranja	Realizacija projekta
1	Rekonstrukcija kraćih dionica puta sa izgradnjom pješačkih staza kroz naselja na svim regionalnim putevima (R439, naselja Opara i Trenica; R441: Dubravice, R437: Bakovići i Gojevići, R481: Rika, ...),	2.200.000	Vlastita sredstva	2018. – 2021.
2	Rekonstrukcija R440: dionica Mehurić- Gluha Bukovica, , L=3 km.	1.000.000		2018. – 2021.
3	Rekonstrukcija R443: Kiseljak – Kreševo-Tarčin, dionica Kreševo – Ribnjak, L=1,3 km.	800.000		2018. – 2021.
4	Rekonstrukcija region. puta R439, Novi Travnik – Gornji Vakuf/Uskoplje dionica Zagrilje – Pavlovica, L= 3 km	1.200.000		2018. – 2021.
5	Rekonstrukcija kraćih dionica, sanacija klizišta i crnih tačaka na svim putnim pravcima	2.300.000		2018. – 2021.
6	Sanacija asfalta na svim putnim pravcima	1.500.000		2018. – 2021.
	Ukupno planirano za Program javnih investicija SBK iz vlastitih sredstava :	9.000.000	Vlastita sredstva	

Član 3

Realizacija projekata pod A) koji se finansiraju iz domaćih kreditnih sredstava će se vršiti po dinamici operativnosti kreditnih sredstava na osnovu odluka o kreditnom zaduženju Budžeta SBK i Finansijskog plana Kantonalne direkcije za puteve. Po projektima koji budu odobreni odlukama Vlade SBK uz saglasnost Skupštine SBK.

Realizacija projekata pod B) koji se finansiraju iz inostranih kreditnih sredstava će se vršiti po dinamici operativnosti kreditnih sredstava na osnovu odluka o kreditnom zaduženju Vlade Federacije Bosne i Hercegovine, po projektima koji budu odobreni odlukama Vlade SBK uz saglasnost Skupštine SBK.

Realizacija projekata pod C) koji se finansiraju iz vlastitih sredstava će se vršiti na osnovu Godišnjih planova i programa radova izgradnje, rekonstrukcije i sanacije regionalnih puteva na području SBK, koje po prijedlogu Kantonalne direkcije puteva SBK donosi Vlada SBK u skladu sa Finansijskim planom Kantonalne direkcije za puteve SBK za svaku godinu.

Član 4.

Kantonalno ministarstvo finansija SBK će u saradnji sa Kantonalnom direkcijom za puteve SBK pripremiti potrebne odluke za realizaciju kreditnog zaduženja Budžeta SBK i Finansijskog plana Kantonalne direkcije za puteve.

Član 5.

Kantonalna direkcija za puteve će pripremiti potrebnu dokumentaciju za uvrštavanje liste projekata pod A) i C) u Program javnih investicija SBK za period 2018. – 2021. i dostaviti Kantonalnom ministarstvu finansija SBK, a za projekte utvrđene u listi pod B) dostaviti prijedloge projekata na propisanim obrascima Federalnom ministarstvu prometa i komunikacija kako bi se isti uvrstili u Program javnih investicija Federacije Bosne i Hercegovine, što je preduslov za kreditno zaduženje kod međunarodnih finansijskih investicija.

Član 6.

Ovaj Odluka stupa na snagu danom donošenja i objavit će se u Službenim novinama Srednjobosanskog kantona.

Broj: _____
Travnik, ____ . ____ .2018.g.

Premijer SBK:

g. Tahir Lendo, dipl.ecc.

Obrazloženje

Uredbom Vlade Federacije Bosne i Hercegovine o načinu i kriterijima za pripremu, izradu i praćenje realizacije programa javnih investicija ("Sl. novine FBiH" 106/14), definisano je da je za realizaciju projekata koji se finansiraju iz domaćih i stranih sredstava neophodno projekte unijeti u Program javnih investicija Federacije BiH i kantona.

S tim u vezi predlaže se Vladi SBK da utvrdi listu projekata iz oblasti izgradnje, rekonstrukcije i sanacije regionalnih puteva na području SBK, kako bi se na osnovu toga mogli dostaviti prijedlozi, odnosno potrebna dokumentacija – obrasci prema Ministarstvu finansija SBK.

S obzirom da je od strane Ministarstva prometa i komunikacija FBiH pokrenuta saktivnost da se kroz Budžet Federacije BiH izvrši zaduženje za modernizaciju regionalnih cesta kod međunarodnih finansijskih institucij, to se projekti iz liste B kandiduju Federalnom ministarstvu, koje će onda kandidovati sve projekte za regionalne ceste prema PJI Federacije BiH.

S poštovanjem !

Direktor:

dipl.ing.el. Sulejman Bećirević